

Шайтон



15:07 / 11.12.2024 2285

Яшай олмам фисқу фасодсиз,
Ҳақгўйларни қораловчиман.
Бошига иш тушса қўшнимнинг
Туйнугидан мўраловчиман.
Тотувликка ҳеч тоқатим йўқ,
Кўпга завол тилагувчиман.
Ёвга эмас, ўз-ўзингизга
Тош отсангиз, қувонувчиман.
Қайда тўймас, таъзия бор, деб,
Кўрингандан сўроқловчиман.

Аҳли Ислом жамулжам ерда
Фариштага айланувчиман.

Чаламулла, баднафс имомни
Ўз йўлимга бошлагувчиман.
Шароитга қараб бир онда
Турланиб ҳам тусланувчиман.
Тек юрсин деб суяк ташлашса,
Бойтеватга айланувчиман.
Билгандирсиз, энди кимлигим:
Тиниқ сувни булғатувчиман...

Тўра Сулаймон
«Ҳилол» журнали 4(61) сон